



Tužilaštvo - Tužiteljstvo Bosne Hercegovine  
Тужилаштво Босне и Херцеговине

Broj: T20 0 KT 0023724 23  
Sarajevo, 30.11.2023. godine

SUD BOSNE I HERCEGOVINE  
SARAJEVO  
- Sudiji za prethodno saslušanje -

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) podižem:

OPTUŽNICU

Protiv:

Dine Pečenkovića, zvanog "Pečo" [REDACTED]

rođenog [REDACTED] 1991. godine u Bihaću, [REDACTED]

[REDACTED] državljanina BiH, [REDACTED]

Zbog postojanja osnovane sumnje da je:

Dana 14.02.2023. godine, oko 10:10 sati, na području opštine Bihać, [REDACTED]  
[REDACTED] na parking prostoru tržnog centra [REDACTED],  
svjestan da se radi o službenim licima, odnosno policijskim službenicima Državne  
agencije za istrage i zaštitu BiH, koji su tom prilikom bili angažovani na poslovima  
lišenja slobode počinitelaca krivičnih djela, sa zadatkom lišenja slobode i Dine  
Pečenkovića, te nakon što su policijski službenici Jedinice za specijalnu podršku  
Državne agencije za istrage i zaštitu [REDACTED] izdali naredbu

Dini Pečenkoviću da ugasi i napusti vozilo "AUDI", registarskih oznaka [REDACTED], kojim je upravljao, uz glasno legitimisanje "SIPA - POLICIJA", Dino Pečenković, htijući to, oglušio se na izdate naredbe policijskih službenika da napusti vozilo, da bi potom napao službeno lice - policijskog službenika Državne agencije za istrage i zaštitu BiH [REDACTED], na način da je usmjerio navedeno vozilo i otpočeo kretnju unazad prema policijskom službeniku [REDACTED] u namjeri da ga udari vozilom, a koji policijski službenik se u tom trenutku nalazio iza pmw marke "Audi", registarskih oznaka [REDACTED], a ispred službenog pmv Državne agencije za istrage i zaštitu, [REDACTED] i koji se uočivši namjeru Dina Pečenkovića pomjerio, odnosno skočio od službenog vozila u desnu stranu kako bi izbjegao udar, nakon čega je pmv marke "Audi" kojim je upravljao Dino Pečenković udario zadnjom desnom stranom vozila u prednji lijevi dio službenog vozila Državne agencije za istrage i zaštitu, [REDACTED]

**Dakle**, napao službeno lice u institucijama Bosne i Hercegovine u vršenju poslova sigurnosti, otkrivanju ili lišenju slobode počinitelaca krivičnih djela,

**Čime je**, počinio krivično djelo Napad na službeno lice u vršenju poslova sigurnosti, otkrivanju ili lišenju slobode počinitelaca krivičnih djela iz člana 241b. stav 1. Krivičnog zakona BiH.

**TUŽILAC TUŽILAŠTVA BiH**